



Broj:
Maglaj,

PRIJEDLOG

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 18. Statuta Općine Maglaj-prečišćen tekst ("Službene novine Općine Maglaj", br. 8/07, 3/08 i 6/08), a u vezi sa aktom Nadzornog odbora KJD d.o.o. Maglaj, broj: 01-1408-5/23 od 07.10.2023. godine, Općinsko vijeće Maglaj na ___ redovnoj sjednici, održanoj ___ 2023. godine, donosi

O D L U K U

o davanju saglasnosti za konačno imenovanje direktora Komunalnog javnog društva d.o.o. Maglaj

Član 1.

Nadzornom odboru Komunalnog javnog društva d.o.o. Maglaj daje se saglasnost za konačno imenovanje _____ za direktora Komunalnog javnog društva d.o.o. Maglaj za naredni četverogodišnji mandat.

Član 2.

Ova Odluka stupa na snagu danom donošenja i ima se objaviti u "Službenim novinama Općine Maglaj".

DOSTAVLJENO:

1. Nadzorni odbor KJD d.o.o. Maglaj
2. Služba za privredu, finansije i razvoj poduzetništva
3. a/a

PREDSJEDAVAJUĆA

Aida Bašić

OBRAZLOŽENJE

PRAVNI OSNOV

Članom 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) propisano je da nakon što komisija za izbor dostavi prijedlog rang liste kandidata odgovornom javnom službeniku, on će osim ako ima opravdane razloge (sa dokazima koji to potvrđuju) da vjeruje da principi i procedure utvrđeni ovim zakonom nisu ispoštovani ili da bi imenovanje bilo kojeg od kandidata sa predložene liste sa užim izborom dovelo do sukoba interesa, osigurati da se izvrši konačno imenovanje kandidata koji je prvi na rang listi u skladu sa postojećim zakonima, pravilima i propisima. Ukoliko se ne može izvršiti konačno imenovanje kandidata koji je prvi na listi zbog bilo kojih razloga navedenih u ovom stavu, kandidati koji rangirani kao slijedeći na listi sa užim izborom biće razmatrani za imenovanje.

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da je Općinsko vijeće nadležno da donosi odluke, rješenja, propise i opće akte.

RAZLOZI ZA DONOŠENJE

Nadzorni odbor KJD d.o.o. Maglaj je dana 11.09.2023. godine donio Odluku o ponovnom pokretanju postupka za izbor direktora KJD d.o.o. Maglaj broj: 01-1312-4/23.

Javni konkurs za izbor i imenovanje direktora KJD d.o.o. Maglaj broj: 01-1312-4-2/23 od 11.09.2023. godine je objavljen 15.09.2023. godine u dnevnom listu Oslobođenje, Službenim novinama Federacije BiH, RTV Maglaj i internet stranici Općine Maglaj.

U ostavljenom roku na Javni konkurs su se prijavila četiri kandidata. Nadzorni odbor KJD d.o.o. Maglaj je nakon otvaranja pristiglih prijave konstatovao da su dvije prijave potpune i blagovremene, a dvije nepotpune. Dana 07.10.2023. godine je održan intervju sa kandidatima koji ispunjavaju uvjete konkursa. Nakon obavljenog intervjua sa kandidatima (Jasmin Bilić i Šefka Hasanić) koji ispunjavaju uvjete konkursa, izvršeno je bodovanje, na osnovu kojeg je Nadzorni odbor dostavio Općinskom vijeću Maglaj, Rang listu uspješnih kandidata za izbor i imenovanje direktora KJD d.o.o. Maglaj. Oba kandidata su ostvarila jednak broj bodova u ukupnom iznosu od 46.

Nakon što je Nadzorni odbor KJD d.o.o. Maglaj, obavljajući funkciju Komisije za provođenje konkursne procedure za izbor i imenovanje direktora, završio konkursnu proceduru, Općinskom vijeću Maglaj je dana 16.10.2023. godine dostavljen akt broj: 01-1408-5/23 od 07.10.2023. godine, kojim se traži saglasnost na konačno imenovanje direktora KJD d.o.o. Maglaj.

Shodno navedenom, Općinskom vijeću Maglaj, kao odgovornom javnom službeniku se dostavlja Prijedlog Odluke o davanju saglasnosti za konačno imenovanje direktora Komunalnog javnog društva d.o.o. Maglaj na nadležno postupanje.

Obrađivač: Emina Hasanić



Broj: 01- 1408- 5 /23

Datum: 07.10.2023. godine

NADZORNI ODBOR
KJD D.O.O. MAGLAJ

OPĆINA MAGLAJ
- OPĆINSKO VIJEĆE MAGLAJ

EDERACIJA BOSNE I HERCEGOVINE
OPĆINA MAGLAJ
Služba za boračko-invalidsku i socijalnu zaštitu
opću upravu i društvene djelatnosti

PRIMLJENO	16. 10. 2023.		
Org. jedinica	Klasif. oznaka	Redni broj	Broj priloga
		2417	

PREDMET: Saglasnost na konačno imenovanje direktora KJD d.o.o. Maglaj, traži se.-

Nadzorni odbor KJD d.o.o. Maglaj donio je na svojoj dvadeset i šestoj sjednici, održanoj dana 11.09.2023. godine, Odluku broj 01-1312-4/23 o ponovnom pokretanju postupka za izbor direktora KJD d.o.o. Maglaj.

Nakon što je Nadzorni odbor utvrdio kriterije za izbor direktora, raspisao je Ponovljeni javni konkurs za izbor i imenovanje direktora KJD d.o.o. Maglaj broj 01-1312-4-2/23 od dana 11.09.2023. godine, koji je objavljen dana 15.09.2023. godine u dnevnom listu Oslobođenje i u Službenim novinama FBiH isto dana 15.09.2023. godine.

Rok za prijave na Konkurs bio je 15 dana od dana njegove posljednje objave, odnosno od dana 15.09.2023. godine.

S ciljem dostupnosti najširoj javnosti, konkurs je objavljen i na televizijskom programu RTV Maglaj, kao i na službenoj web stranici Osnivača, odnosno Općine Maglaj.

Ponovljenim javnim konkursom definisani su opći uslovi koji su kao takvi propisani relevantnim zakonskim odredbama, te posebni uslovi koje kandidat mora ispunjavati, a to su:

- posjedovanje visoke stručne spreme (VSS),
- posjedovanje najmanje pet godina radnog iskustva u struci,
- posjedovanje certifikata o završenom usavršavanju u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala,
- posjedovanje menadžerskih znanja i iskustva za izvršenje operativnih i poslovnih potreba društva.

Prilikom provođenja konkursne procedure, Nadzorni odbor je obavljao funkciju Komisije za provođenje konkursne procedure za izbor i imenovanje direktora KJD d.o.o. Maglaj.

Dana 11.09.2023. godine donesen je i Poslovnik o radu broj 01-1312-4-4/23, kojim su regulisana pitanja načina rada Komisije, načina provjere znanja kandidata, kao i načina i kriterija ocjenjivanja kandidata za izbor i imenovanje direktora KJD d.o.o. Maglaj na mandatni period od četiri godine, te je istog dana donesena i Odluka broj 01-1312-4-5/23 o utvrđivanju pitanja za intervju.

Bodovanje menadžerskih znanja i iskustva za izvršenje operativnih i poslovnih potreba društva zasnivalo se na bodovanju plana i programa razvoja preduzeća za naredne četiri godine, komunikacijskih, organizacijskih i rukovodnih sposobnosti, poznavanja propisa iz oblasti komunalnih djelatnosti i upravljanja komunalnim društvima.

Po isteku roka za prijave, dana 03.10.2023. pristupilo se otvaranju prijava pristiglih na Javni konkurs, te je konstatovano da su na Javni konkurs blagovremeno pristigle četiri prijave.

Nadzorni odbor KJD d.o.o. Maglaj, obavljajući funkciju Komisije za provođenje konkursne procedure za izbor i imenovanje direktora, konstatovao je da su dvije prijave nepotpune, s obzirom da kandidati nisu dostavili dokaz o posjedovanju najmanje pet godina radnog iskustva u struci, te je donesen zaključak o odbacivanju ovih prijava kao nepotpunih.

Konstatovano je da su dvije prijave potpune i blagovremene, te je donesen zaključak o kandidatima koji su uzeti u razmatranje u daljem procesu imenovanja.

Sa ova dva kandidata, čije su prijave potpune i blagovremene, održan je intervju dana 07.10.2023. godine.

Kandidati su neposredno prije intervjua upoznati sa standardom ličnog integriteta koji se traži za lica imenovana na poziciju direktora, detaljno su im pojašnjena pitanja o sukobu interesa, kandidatima je prije intervjua dostavljen obrazac za pitanja o sukobu interesa, te su od kandidata prije intervjua zatraženi podaci o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatu. Kandidati su također upoznati o pravu i načinu podnošenja prigovora.

Nakon obavljenog intervjua, istog dana, pristupilo se bodovanju kandidata, te je utvrđena rang lista, shodno kojoj su oba kandidata koja su ispunila uslove tražene konkursom, ostvarila jednak broj bodova.

Na osnovu navedenog, molimo Vašu saglasnost da Nadzorni odbor KJD d.o.o. Maglaj konačno imenuje jednog od prvorangiranih kandidata za direktora KJD d.o.o. Maglaj, u narednom četverogodišnjem mandatu, te Vas molimo da se ova odluka što prije razmatra, kako bi se mogle preduzeti radnje prema nadležnom registracionom sudu, kao i zbog omogućavanja kontinuiteta u poslovima rukovođenja i upravljanja Društvom.


Također molimo Općinsko vijeće Maglaj da, po davanju saglasnosti za imenovanje jednog od prvorangiranih kandidata, ovlasti lice koje će u ime Općinskog vijeća Maglaj, kao Osnivača KJD d.o.o. Maglaj, po konačnom imenovanju direktora, potpisati prijavu za registraciju u postupku promjene lica ovlaštenog za zastupanje KJD d.o.o. Maglaj kod nadležnog registarskog suda.

Prilozi:


1. Poslovnik o radu Komisije za provođenje konkursne procedure za izbor i imenovanje direktora KJD d.o.o. Maglaj broj 01-1312-4-4/23 od dana 11.09.2023. godine – 1x;
2. Odluka o utvrđivanju pitanja za intervju broj 01-1312-4-5/23 od dana 11.09.2023. godine – 1x;
3. Popunjen obrazac Zajedničkog bodovanja kandidata – 1x;
4. Rang lista uspješnih kandidata za izbor i imenovanje direktora KJD d.o.o. Maglaj – 1x.

S poštovanjem.

Dostavljeno:
1x Naslovu
1x a/a

Predsjednik Nadzornog odbora
KJD d.o.o. Maglaj


Gračić Dženana



Na osnovu tačke V Rješenja o imenovanju Komisije za provođenje konkursne procedure za izbor i imenovanje direktora KJD d.o.o. Maglaj broj 01-1312-4-3/23 od dana 11.09.2023. godine, Komisija za provođenje konkursne procedure za izbor i imenovanje direktora KJD d.o.o. Maglaj dana 11.09.2023. godine donosi sljedeći:

POSLOVNIK O RADU KOMISIJE ZA PROVOĐENJE KONKURSNE PROCEDURE ZA IZBOR I IMENOVANJE DIREKTORA KJD DOO MAGLAJ

Član 1.

Ovim Poslovnikom uređuju se pitanja organizacije, načina rada i odlučivanja, način provjere znanja kandidata, načina i kriterija ocjenjivanja kandidata Komisije za provođenje ponovljene konkursne procedure za izbor i imenovanje DIREKTORA KJD D.O.O. MAGLAJ, na mandatni period od četiri godine, kao i druga pitanja od značaja za pravilan i zakonit rad Komisije.

Član 2.

Rad Komisije se zasniva na načelima zakonitosti, kvalitete, otvorenosti i transparentnosti.

Član 3.

Komisija provodi konkursnu proceduru za izbor i imenovanje direktora KJD d.o.o. Maglaj u skladu sa Zakonom o ministarskim, vladinim i drugim imenovanjima FBiH, Zakonom o privrednim društvima FBiH, d.o.o. Maglaj, Zakonom o sukobu interesa u organima vlasti u FBiH, Statutom KJD d.o.o. Maglaj i Ponovljenim javnim konkursom za izbor i imenovanje direktora KJD d.o.o. Maglaj broj 01- 1312-4-2/23 od dana 11.09.2023. godine.

Član 4.

- (1) Komisija je formirana Rješenjem o formiranju Komisije za provođenje konkursne procedure za izbor i imenovanje direktora KJD d.o.o. Maglaj broj 01-1312-4-3/23 od dana 11.09.2023. godine.
- (2) Komisija radi i odlučuje na sjednicama Komisije.
- (3) Komisija odlučuje o pitanjima iz svoje nadležnosti većinom glasova.
- (4) Komisija radi u punom sastavu, a obavezno radi u punom sastavu u provođenju razgovora i ocjenjivanju kandidata.

Član 5.

Na sjednicama Komisije vodi se zapisnik, koji obavezno potpisuje predsjednik Komisije i lice imenovano za obavljanje stručnih i administrativnih poslova Komisije.
Lice imenovano za obavljanje stručnih i administrativnih poslova Komisije zaduženo je za sačinjavanje zapisnika.

Član 6.

Zadatak Komisije je da otvara i razmatra pristigle prijave, te donese zaključak o odbacivanju nepotpunih i neblagovremenih prijava, te zaključak o kandidatima koji su uzeti u razmatranje u daljem procesu imenovanja, odnosno sastaviti listu s izborom kandidata koji ispunjavaju kriterije za imenovanje.

Član 7.

- (1) Blagovremenom prijavom smatra se prijava koja je podnesena u roku koji je određen Javnim konkursom.
- (2) Potpunom prijavom smatra se prijava uz koju su priloženi svi dokazi o ispunjavanju općih i posebnih uslova naznačenih u Javnom konkursu za izbor i imenovanje direktora KJD d.o.o. Maglaj.
- (3) Ukoliko prijava ne sadrži sve elemente naznačene u Javnom oglasu (kraću biografiju i kontakt informacije) ili ukoliko nisu dostavljeni dokumenti koji se traže kao dokaz o ispunjavanju općih i posebnih uslova, takva prijava se smatra nepotpunom.
- (4) Nepotpunom prijavom smatraće se i ona prijava uz koju su priloženi dokumenti koji nisu dostavljeni na način kako je traženo oglasom :
 - kao dokaz o stručnoj spremi prihvaćaće se isključivo diploma o završenoj visokoj školskoj spremi u skladu sa Okvirnim zakonom o visokom obrazovanju BiH
 - kao dokaz o radnom iskustvu u struci prihvaćaće se isključivo dokumenti/potvrde/uvjerenja iz kojih se jasno i nedvojbeno može utvrditi da je kandidat stekao radno iskustvo na poslovima svoje struke u minimalnom trajanju kako je propisano Konkursom.
- (5) Dokumente/potvrde/uvjerenja/izjave iz kojih jasno ne proizilazi da kandidat ispunjava uslove kako je traženo Oglasom, Komisija neće tumačiti i iste prijave će se odbaciti kao nepotpune.
- (6) Ukoliko kandidat ne dostavi dokumente koji se traže Konkursom u originalu ili ovjerenoj kopiji, ili ukoliko uvjerenje o državljanstvu dostavi starije od šest mjeseci, takva prijava će se smatrati nepotpunom.
- (7) Nepotpunom prijavom smatra se i prijava koja nije potpisana od strane podnosioca iste, s obzirom da istinitost, tačnost i potpunost prijave kandidati potvrđuju potpisom.
- (8) Kao nepotpuna prijava smatra se i prijava koja nije dostavljena u zatvorenoj koverti, sa naznakom, kako je predviđeno Javnim konkursom.

Član 8.

- (1) Sa kandidatima čije prijave budu utvrđene kao nepotpune i/ili neblagovremene, neće se stupiti u kontakt.
- (2) Kandidati koji budu ispunjavali uslove konkursa će biti obavješteni o mjestu i vremenu održavanja intervjua , najkasnije u roku od 8 dana od dana isteka roka za prijave na konkurs.
- (3) O mjestu i vremenu održavanja intervjua, kao i o načinu obavješćavanja kandidata, Komisija će donijeti posebnu odluku.

Član 9.

Kriterij na osnovu kojih će se vršiti bodovanje kandidata je: posjedovanje menadžerskih znanja i iskustava za izvršenje operativnih i poslovnih potreba Društva.

U okviru ovog kriterija, Komisija će bodovati sljedeće:

- komunikacijske, organizacijske i rukovodne sposobnosti, koje će se bodovati na osnovu održanog intervjua s kandidatom, plana i programa razvoja preduzeća za period od četiri godine, te certifikata preporuka, potvrda I drugih dokumenata relevantnih organizacija I institucija koja mogu pokazati posjedovanje menadžerskih znanja I sposobnosti kandidata,
- poznavanje propisa iz oblasti komunalnih djelatnosti i upravljanja privrednim društvima.

Član 10.

Usmeni intervju sastoji se od pitanja koja su precizirana posebnom odlukom.

Član 11.

- (1) Komisija za izbor će prije intervjua zahtijevati da kandidati daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.
- (2) Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.
- (3) U toku intervjua, komisija za izbor osigurat će sljedeće:
 - a) da su svi kandidati u potpunosti upoznati sa standardom ličnog integriteta koji se traže za lica imenovana na javnu poziciju;
 - b) da su pitanja o sukobu interesa objašnjena i razmotrena detaljno sa svim kandidatima;
 - c) da su svi kandidati u potpunosti informisani o pravu javnosti putem mehanizama koji su detaljno navedeni u Zakonu o ministarskim, vladinim I drugim imenovanjima FBiH, da mogu uložiti prigovor protiv imenovanja koje se razmatra.
- (4) Komisija će kandidate prozivati i ispitivati po abecednom redu prezimena.
- (5) Intervju sa svakim od kandidata može trajati najduže 30 minuta.

Član 12.

- (1) Na osnovu odgovora na postavljena pitanja bodovati će se posebno:
 - Komunikacijske sposobnosti,
 - Organizacijske sposobnosti,
 - Rukovodne sposobnosti,
 - Poznavanje propisa iz oblasti komunalnih djelatnosti i upravljanja privrednim društvima.
- (2) Pri bodovanju komunikativnosti podrazumijeva se ocjena sposobnosti kandidata da na srdačan, razumljiv i uvjerljiv način vodi dijalog i razmijeni sa sagovornicima tačne, potpune, pravovremene i potrebne informacije.
- (3) Pri bodovanju organizacijskih sposobnosti podrazumijeva se ocjena sposobnosti kandidata da organizuje rad u Društvu za ostvarenje menadžerskih ciljeva.
- (4) Pri bodovanju sposobnosti rukovođenja podrazumijeva se ocjena posjedovanja tehničkih znanja i vještina kojima se koordiniraju i usklađuju funkcije, kako bi se došlo do skladnih odnosa između svih poslovnih funkcija i konačnog izvršenja zadatka.
- (5) Prilikom bodovanja Plana i programa razvoja preduzeća za period od četiri godine podrazumijeva se ocjena sposobnosti pismene komunikacije, organizacijske sposobnosti i rukovodne sposobnosti zajedno.

Član 13.

- (1) Bodovi se dodjeljuju u rasponu od 1-5.
- (2) Svaki član Komisije će samostalno izvršiti bodovanje kandidata za svaki od navedenih kriterija iz člana 11. ovog Poslovnika.
- (3) Svaki član Komisije ima pravo navesti komentar, odnosno izdvojeno mišljenje o uočenim prednostima, odnosno slabostima kandidata, za koje smatra da su bitne prilikom izbora kandidata za direktora KJD d.o.o. Maglaj.
- (4) Po završetku samostalnog bodovanja, članovi Komisije će na posebnom obrascu izvršiti zajedničko bodovanje kandidata, na način da će zbir bodova kandidata dobijenih po svakom kriteriju posebno podijeliti sa brojem članova Komisije (3), te dobijeni broj bodova upisati u mjesto predviđeno za to na posebnom obrascu.
- (5) Ukupan broj bodova koje je kandidat dobio je zbir dobijenih bodova iz prethodnog stava ovog člana.
- (6) Ukoliko dva ili više prvorangiranih kandidata osvoje jednak broj bodova, kandidatu čiji certifikati, preporuke, potvrde i/ili drugi dokumenti relevantnih organizacija ili institucija prema procjeni Komisije najbolje ukazuju na posjedovanje menadžerskih sposobnosti kandidata dodjeljuje se 1 bod prednosti.

Član 14.

Nakon izvršenog bodovanja, Komisija će sačiniti rang listu uspješnih kandidata.

Rang listu Komisija će, zajedno sa detaljnim obrazloženjem o provedenom postupku ,dostaviti Nadzornom odboru KJD d.o.o. Maglaj, odnosno Općinskom vijeću Maglaj.

Član 15.

Sva pitanja koja nisu uređena ovim Poslovníkom za koja se eventualno ukaže potreba uređivanja, a koja su u nadležnosti Komisije, Komisija će uređivati postizanjem kvoruma.

Član 16.

Sastavni dio ovog Poslovníka čine:

- Obrazac za pitanja o sukobu interesa
- Obrazac za utvrđivanje ispravnosti prijava
- Lista sa izborom kandidata koji ispunjavaju uslove konkursa
- Obrazac za bodovanje kandidata - individualni
- Obrazac za bodovanje kandidata – zajednički za sve članove Komisije
- Obrazac rang-liste uspješnih kandidata za izbor i I menovanje direktora KJD d.o.o. Maglaj

Broj: 01- 1312-4-4 /23
Mjesto: Maglaj
Datum: 11.09.2023. godine



Predsjednik Nadzornog odbora KJD d.o.o.

Gracić Dženana

OBRAZAC ZA PITANJA O SUKOBU INTERESA

(Član 11. stav 2. Zakona o ministarskim, vladinim i drugim imenovanjima Federacije Bosne i Hercegovine, „Službene novine Federacije Bosne i Hercegovine“, broj: 12/03,34/03 i 65/13)

IME I PREZIME KANDIDATA: _____

PITANJA:

(Iznijeti bilo koje pitanje koje bi moglo dovesti do sukoba interesa u slučaju da dođe do Vašeg imenovanja prema Javnom konkursu za izbor i imenovanje direktora KJD d.o.o. Maglaj.
Ako nemate pitanja, navesti: Nemam pitanja,)

MAGLAJ
DATUM:

POTPIS

POSEBNI USLOVI	
1. Da posjeduje visoku stručnu spremu	Dokaz: Diploma o završenoj visokoj stručnoj spremi DA/NE Dokaz dostavljen u originalu ili ovjerenj kopiji: DA/NE
2. Da ima najmanje 5 godina radnog iskustva u struci	Dokaz: _____ Dokaz dostavljen u originalu ili ovjerenj kopiji DA/NE
3. Da posjeduje menadžerska znanja i iskustva za izvršenje operativnih i poslovnih potreba Društva	Dokaz: Plan i program razvoja preduzeća za period od 4 godine DA/NE
4. Da posjeduje certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala	Dokaz: Certifikat ili Izjava u skladu sa tačkom 4 . potrebnih dokumenata Javnog konkursa DA/NE Original ili ovjerena kopija DA/NE
DODATNA DOKUMENTACIJA	
4. Cerifikati, preporuke potvrde i dr. Dokumenti relevantnih organizacija i institucija, koja mogu pokazati posjedovanje menadžerskih sposobnosti kandidata 5. Ostalo	DA/NE Navesti dostavljeno:

Potpis članova Komisije:

Gračić Dženana

Hamidović Emir

Mehmedović Naid

LISTA SA IZBOROM KANDIDATA KOJI
ISPUNJAVAJU USLOVE KONKURSA

Komisija za provođenje konkursne procedure za izbor i imenovanje direktora sastavlja listu s užim izborom kandidata koji ispunjavaju uslove/kriterije za imenovanje , a to su sljedeći kandidati:

- 1.....
- 2.....
- 3.....

OBRAZAC ZA BODOVANJE KANDIDATA – INDIVIDUALNI

Ime i prezime kandidata : _____

KRITERIJ	BROJ BODOVA	DODATNE NAPOMENE
KOMUNIKACIJSKE SPOSOBNOSTI		
MENADŽERSKE SPOSOBNOSTI		
RUKOVODNE SPOSOBNOSTI		
POZNAVANJE PROPISA IZ OBLASTI KOMUNALNIH DJELATNOSTI UPRAVLJANJA PRIVREDNIM DRUŠTVIMA		
PLAN I PROGRAM RAZVOJA PREDUZEĆA NA PERIOD OD ČETIRI GODINE		

Član Komisije

OBRAZAC ZA BODOVANJE KANDIDATA – ZAJEDNIČKI ZA SVE ČLANOVE KOMISIJE

Bodovi					UKUPNO BODOVA
Ime I prezime kandidata	Komunikacijske sposobnosti	Organizacijske sposobnosti	Rukovodne sposobnosti	Plan I program razvoj preduzeća za 4. Godine	

DODATNE NAPOMENE:

Članovi Komisije:

Gračić Dženana

Hamidović Emir

Mehmedović Naid

Na osnovu člana 10. Poslovnika o radu Komisije za provođenje ponovljene konkursne procedure za izbor i imenovanje direktora KJD d.o.o. Maglaj broj 01-1312-4-4/23, Komisija za provođenje konkursne procedure za izbor i imenovanje direktora KJD d.o.o. Maglaj dana 11.09.2023. godine donosi sljedeću:

ODLUKU O UTVĐIVANJU PITANJA ZA USMENI INTERVJU

Član 1.

Ovom Odlukom utvrđuju se pitanja za usmeni intervju sa kandidatima koji ispunjavaju uslove tražene ponovljenim Javnim konkursom za izbor i imenovanje direktora KJD d.o.o. Maglaj broj

Član 2.

Pitanja iz člana 1. su sljedeća:

1. Predstavite se.
2. Da li imate iskustva na rukovodećim poslovima?
3. Da li Vam je poznata djelatnost komunalnog društava ,čime se društvo bavi i zašto mislite da biste baš Vi trebali biti izabrani za rukovodioca društva ?
4. Da li Vam je poznato koji su organi upravljanja društvom i koje su njihove nadležnosti?
5. Kojim zakonskim i podzakonskim aktima je regulisan rad društva?
6. Šta biste poduzeli kako biste unaprijedili rad društva i odnos sa uposlenicima?
7. Na koji način biste rješavali probleme vezane za naplatu dugova od strane korisnika komunalnih usluga?
8. Na koji način se vrši finansiranje komunalnih djelatnosti?
9. Na koji način se formiraju cijene komunalnih usluga?

Član 3.

Ova Odluka stupa na snagu danom donošenja.

Broj: 01- 1312-4-5/23
Mjesto: Maglaj
Datum: 11.09.2023. godine

Predsjednik Komisije za provođenje konkursne procedure
Maglaj
Čijačić Dženana




OBRAZAC ZA BODOVANJE KANDIDATA – ZAJEDNIČKI ZA SVE ČLANOVE KOMISIJE


Ime I prezime kandidata	Bodovi				UKUPNO BODOVA
	Komunikacijske sposobnosti	Organizacijske sposobnosti	Rukovodne sposobnosti	Plan I program razvoj preduzeća za 4. Godine	
Jasmin Bilic'	14	11	11	10	46
Šepka Hosmić'	13	11	12	10	46


DODATNE NAPOMENE:

Članovi Komisije:


 Gračić Dženana





 Hamidović Emir



 Mehmedović Naid


**OBRAZAC RANG LISTE USPJEŠNIH KANDIDATA ZA
IZBOR I IMENOVANJE DIREKTORA KJD D.O.O. MAGLAJ**

Prezime i ime kandidata	Općina	Ukupan broj bodova
Bilić Jasmin	Maglaj	46
Hasanić Šetka	Maglaj	46

Članovi Komisije:


Gračić Dženana


Hamidović Emir


Mehmedović Naid

